

## Mir sy bedroh(n)t!

Vom Rhy bis an d'Rhone,  
nüt as numme Drohne!  
Mir wei lieber Biene,  
statt die Flugmaschine.



**Mir Waggis frooge schoonigslos:  
«Wie wärde mir die Drohne los?»**



Si dröhne und si brumme,  
dr ganz Tag umm is umme.

**Im Garte Rüüebli hole oder Bohne?  
«Gang nit sälber – schick e Drohne!»**

Die Neuzyt-Bedroh(n)ig  
bringt Chaos statt Honig.

Für e Päcklipöschtlertuet sich's lohne  
d'Päckli z'bringe, mit ere Drohne.



## In der ganze Fasnachtszone wei mir Waggis keini Drohne!

Dr Lukas Ott tuet au em Drohnefimmel frone  
und tuet im Rothuus uff em Chef-Droon drohne.

Mir wei lieber Biene,  
statt die mords Maschine.



«E Hermes Drohne mit eme Antiterror-Tool»:  
Au wenn's nüt nützt, s'tönt emel cool.

Längt's nit mit einer Drohne,  
den cha me Drohne (isch jo logo) klone.

Zum an der Fasnacht d'Närve schone,  
blibsch dehei und schicksch e Drohne.

*E Drohne seit (und tuet nit liege)  
«I muess dä Värs churz überfliege»*



**D'Laag sig ärscht, so ghört me chlööne,  
wenn rund um d'Uhr die Drohne dröhne.**

*Färngstüürt und wie ne Fahne im Wind,  
dasch kei Drohne, dasch d'Mone Gschwind.*

**Dä Zeedel do, als Bruchstück und Fragmänt,  
het an dere Stell es Änd.**



*Es Änd het nach zwänzg Joohr  
au d'Chlütteri Ära.  
Scho das Johr pfyffe drei Dame  
vom Stamm mit.  
Mr begrüesse se hätzlig und freuen is,  
wenn s'nechtsch Joohr  
no mehr chömme. S'goht wyter –  
in anderer Form.*

*Rotstab Chlütteri, Fasnecht 2016*



Rotstab-Chlütteri  
Liestal